



*Minggu, 04 Pebruari 2024*

**Ogen: Mikha 7:1-6**



**Lagu Langkah Simacik**



**M**acik e me sada situasi lanai erguna, macik biasana ulihna mbau, la terdeheri, ciga ate kalak, jadi sampah ras sidebanna. Kuga adi labo barang, sampah, buah si macik? Tapi lagu langkah, perbahanen, biak manusia. Tentuna, adi sie lanai mehuli, macik enggo me lanai kalak rate ngena, mbau iakap kalak maka lanai merhat ndeherisa. Payo, adi kerina amcik lanai lit si rate nembek sabab kerina enggo seri situasina. Manusia ibas masyarakat, kelompok pasti ndarami teman-teman si sendalanan ras ia, sefrekuensi ras ia, maka kalak si macik lagu langkahna idaramina temanna, emaka sikapiten ras siajar-ajaren ia erbahan lagu langkah si macik e ndai. Lanai lit si mandangi ntah pe si ngembari.

Bagenda me kegeluhen bangsa Israel i bas paksa jaman Miha, man bangsa enda lanai lit si bujur, lanai malang man Dibata, kerina nimai paksa ras kesempatan guna ndalanken sura-surana si macik e. Erbahan pertakin i bas sogok si mere ras ialokenna. Tapi paksana rawa Dibata reh me, enggo me nai ipersingeti nabi-nabi, emaka sada pe lanai ia teneng, gulut ukurna kerina. Sabap lanai lit si man teken, la saja isi jabu tapi pe teman-temanna kerina. Kalak si ernalem man Dibata si nimai perbahanen Dibata si mehuli man bana i bas kesetian si enggo ilakokenna sedekah enda.

Metengetlah, ras ise kam erteman, ise penungkuendu. Adi si macik lagu langkahna, langket me kam, emaka madin sarangi. Desken tomat ntah rimo i bas da keranjang, sada saja macik, langket me kerina. Adi la minter ipeserap, minter nge ilangketina bau macikna alu bage ceda me kerina. Ertemanlah ras kelompok si sehat ras mehuli alu bage banci geluhta bertumbuh, la mate, macik dengen jadi sampah. Sabap i bas kata Dibata 'awet kita' amin la pake pengawet.

*➤ Sirangilah si macik, maka merim kita i bas Dibata*